

Huddel mit da Schniss

Heit muss isch 's mol sohn wie 's is.
Mir Saalänner honn oft Huddel mit da Schniss.
Kenn Mensch will uns rischdisch kinne vastehn.
Na ja, unser Dialekt is aach nit grad scheen.

Awwer die Bayre, Schwowe, Preiße,
Sachse, Wirdeberjer unn wie se all heiße
Die honn jo sowieso e Schprochfähler, odda nit?
Unn die brischde sisch aach noch demit.

Die schpiele Mundart – Theaderschdickscha,
bringe im Fernseh Plattdeitschwippscha.
Unn zu uns sohn se, mir quassele franzesich hie.
Die Franzose däde sahn: on nix comprie!

Jetzt kann 's awwer grad sinn wie 's is:
Mir schwätze wie uns gewachs is die Schniss.
Unn wenn die onnere das duud scheniere,
is das nur de Neid, weil se 's nit kabbiere.

Allem zum Trutz – was sinn muss, muss sinn:
Wenn mir wolle, krien mir aach das Hochdeitsche hin.
Bemerkenswert is, dass jed Dorf, jedi Schdadt
Bei uns e eischeni Babbel hat.

Unn trotzdem duun mir uns unnerenonner vaschdehn.
Siehn ihr – unn das finn isch so scheen.
Awwer noch viel scheener wär:
In de gonz Welt – Schproch hin, Schproch här –
Misst ma sisch vastehn. Das wär emol gudd!
Ma bekäm die Välka all unner ääner Hudd.
Es gäb kenn Schdreit, kenn Kriesch, kenn Lääd,
kenn große Worte – nur Änischkäät.